

APWOSUN COVID-19 NGENI SEMIRIT IERIR 5-11

122021 CHUUKESI

Ewe Food and Drug Administration (FDA) a mwutatá an epwene tou ewe apwosun COVID-19 ngeni semirit ierir 5 - 11. Úkúkún an ekewe semirit apwos ierir 5-11 iwe ew na unungat ren an wate apwos. Mei chok nénéé ngeni an wate, semirit repwan niit ruofoch apwos, nge epwe unungat wiik towawen nefiner.

Mei tongeni an epwe wor an inn me sam kapas eis me repwe tiperueru

Ach finata faniten an neuch semirit repwe angei apwos mei aweires. Mei aninis omw kopwe ekekiek non fitu fansoun, maketiw omw kapas eis, iwe pworous ngeni ekewe tokter mei wor omw nukunuk non ir. Ekewe tokterún semirit, chon angangen non farmesi ika nenien safei, me ekewe kangof non sukun ir mei tongeni ponueni omw kapas eis.

Pwata ekewe semirit 5-11 ierir repwe angei ewe apwos?

Ewe apwosun COVID-19 mei tongeni:

- » **Aninis me apeti noumw semirit an esapw tori** ewe monun COVID-19
- » **Tumwunu noumw semirit an esapw kon wate ngeni samwau** ika epwe tori ewe COVID-19
- » **Wanó noumw non sukun an epwe akukunatiw aweiresin angangen non ekewe nenien tumwun semirit.** Ekewe semirit mei unus ar apwos rese pwan niit ar repwe eimwurenó ika pwe re nomw unukun ekewe aramas mei urir COVID-19 me nukun uchok ika pwe a wor rer ekewe esisinin samwau
- » **Akukunanói chansún ika mecheresin an epwe cheú COVID-19** ngeni ekkoch

Epwe tumwun an semirit repwe angei ewe apwosun COVID-19?

Ewe apwosun Pfizer mei kawor ngeni úkúkún million aramas ren waate me semirit ierir 12 eta.

- » Non ekewe angangen kaé ngeni ifa usun tumwun ewe apwos ir mei ngeni 3000 semirit, **ra kuna nge ewe apwosun COVID-19 mei tumwun me pochokun** an epwe apeti ewe monun samwau ren COVID-19 ngeni ekewe ierir 5-11.
- » Ese wor **waten afeiengawan ika ngawan** ewe apwos ngeni ekewe mei kukun ierir. Ewe Centers for Disease Control and Prevention(CDC) me FDA ir mei sopwenó me néngenocho fetanin ewe apwos me katon ika mei wor ion me fisi ngeni osukosuk mwurin an angei.
- » Ew **kúkúnún kéúkún apwos ren 10 micrograms** mei wor manamanan ika aninisin ngeni ekewe semirit ierir 5-11 (úkúkún an wate iwe 30 micrograms).
- » Ewe apwos an semirit mei fis angangen **katon ren ifa usun eochun iwe apwan mwumwuta** seni ewe FDA, ewe CDC, me ewe Western States Scientific Safety Review Workgroup.

Myocarditis (Ngútúnón ekewe futuk ika mwasel ren en feunupwo) ew samwau ese pwan kon fisi ngeni chomwong, nge mei wate osukosukan, ee tori ekewe serafé ike ekewe ra wate (1 non 50,000) murin ar angei ewe apwosun COVID-19. Ese wor me nein ekewe 3,000 semirit ierir 5-11 re fori ar angangen kaé wór mei torir ewe semwen ren an ngútúnó ekewe futuk ika mwasel ren en feunupwo mwurin ar angei ewe apwos. Sia núkú nge Myocarditis (ngútúnón en futuk ika mwasel ren en feunupwo) ese kon fisi ngeni ekewe kukun semirit mwurin ar angei apwosun COVID-19 faniten mei chok kukun ewe keukun safei non apwos re angei.



Met ekewe ngawan ika osukosukan mei tongeni epwe fis me mwurin?

- » Ekewe ngawan ika ekis semwen mei fis me mwurin angei apwos iwe ekkoch esisin mei each pwe esisanan nge poputa fér ekewe monun apetin samwau non en inis.
- » Ren ewe kúkúnún kéúkún apwos ren 10-microgram, mei chó kukun ngawan ika osukosukan mei fis murin ewe oruofochun apwos, kukun pwichikar, kukun féú -kukunitiw fan ekewe semirit ra wate.
- » Ekkoch ngawan me ekis samwau mei fisi ngeni ekewe semirit ierir 5-11 mei pachenong ren kinas, paar, me ngutun paú, ménúnú, metekin mékúr, metekin non futuk, féú, waten pwichikar, ika eningau. Napengeni ekei semwenin murin angei apwos mei wesinò murin fitu ran.
- » Ese kon pwan fis, nge ekkoch aramas mei wate ngawen ewe apwos mei fisi ngenir me mwurin. Meinsin ekei aramas mei mwutir ar ngenir aninis me safei.



Ewe apwosun COVID-19:

- » **Ese wor** ménún coronavirus non ese pwan tongeni an epwe ngeni noumw ewe semirit COVID-19.
- » **Ese tongeni** siwini an noumw ewe semiriti DNA ika met mei pwusin wor non chaar ika inisir, me ese pwan nomwetiwi non ewe DNA.
- » **Ese** asenipatai an emon epwe riit.
- » Forun me kaworutan ewe apwos a eto seni ekewe angangen kaé me sukunen samwau non fitu ier.

	Ekewe wate (12 ierir etá)	Semirit (5-11)
Úkúkún apwos	30 micrograms	10 micrograms
Fite fochun apwos	2	2
Fitu wiik nefinen ewe 1st & 2nd apwos	3 wiik	3 wiik

Non ekewe angangen kaé ngeni ewe samwau, ekewe semirit mei kukun pochokunen ar apwos mei chok taitap ukukun pochokunen apetin samwau ren ekewe ierir 16-25.

Ian ekewe neni semirit ra tongeni angei ar apwos non?

- » An semirit apwosun COVID-19 mei wor ren ekei neni farmesi ika nenien angei safei, an tokter offes, sukun, me ekewe klinik mei wor non ewe kinikin ika neni.
- » Ka pwan tongeni cheki:
 - » [Getvaccinated.oregon.gov](https://getvaccinated.oregon.gov)
 - » [Vaccines.gov](https://vaccines.gov)
 - » Multnomah County Student Health Centers - multco.us/health/student-health
 - » Kokori 2-1-1 ika en mei pwan niit ekkoch aninis (mei wor chon aninis mei chiakú)